



ТОШКЕНТ ОҚШОМИ

Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 238 (12.299)

Баҳоси эркин нарҳда

МДХНИНГ АШХОБОД САММИТИ

Аввал хабар қилинганидек, Ўзбекистон Республикаси Президенти Ислам Каримов 5 декабрь куни Туркменистон пойтахти Ашхобод шаҳрида бўлди ва Мустақил Давлатлар Ҳамдўстлиги (МДХ) Давлат раҳбарлари кенгашининг навбатдаги мажлисида иштирок этди.

Саммит бошланишидан аввал Ўзбекистон ва Туркменистон Президентларининг суҳбати бўлиб ўтди. Ислам Каримов ва Гурбангули Бердимухамедов дўстона муҳтда, ўзаро ишонч ва очқик руҳида ўтган суҳбатда Ўзбекистон — Туркменистон муносабатларининг бугунги ҳолати ва истиқболларини, мамлакатларимизнинг МДХ доирасидаги ҳамкорлиги масалаларини муҳокама қилдилар.

МДХ Давлат раҳбарлари кенгашининг мажлисида иқтисодий ва гуманитар соҳаларда, хавфсизликни таъминлашда минтақавий ҳамкорликни чуқурлаштиришга қаратилган қатор ҳужжатлар лойиҳалари кўриб чиқилди.

Таъкидлаш кераки, Ҳамдўстликнинг ташкил этилиши янги мустақил давлатларнинг пайдо бўлиши билан боғлиқ тарихий шариҳларда анъанавий гуманитар, иқтисодий ва бошқа соҳалардаги алоқаларни сақлаб қолишдаги объектив зарурат билан изоҳланади.

Ўтган йиллар давомида МДХ ўзини сиёсий, иқтисодий, гуманитар ҳамкорлик масалаларини халқаро ҳуқуқий воситалар ёрдамида кўриб чиқиш ва ҳал қилиш бўйича сиёсий платформа сифатида керакли ташкилот эканлигини намойён этди.

МДХ ташкилотга аъзо давлатлар ўртасидаги муносабатларнинг янги шаклини яратиш, минтақавий ва минтақалараро ривожланиш масалаларини ҳал қилишда муҳим роль ўйнади ва ўйнамоқда.

Ҳамдўстлик мамлакатлари йигирма йилдан ортиқ вақт мобайнида ўзаро манфаатли ва кенг қамровли ҳамкорликни янада ривожлантиришга ҳамда бугунги куннинг долзарб вазифаларини ҳал қилишда МДХнинг салоҳиятини мустаҳкамлашга интилиб келмоқда.

Айни пайтда Ашхобод саммити иштирокчилари МДХ доирасидаги мавжуд кўп томонлама ҳамкорлик механизmlарининг самардорлигини ошириш, шунингдек, ташкилотга аъзо давлатлар иқтисодий янада ривожлантиришга, халқлари фаровонлигини таъминлашга эришиш учун Ҳамдўстлик фаолиятининг ташкилий-ҳуқуқий ва институционал асосларини такомиллаштириш зарурлигини таъкидладилар.

Шундан келиб чиқиб, томонлар бундан кейин ҳам минтақавий ва минтақалараро муносабатлар тизимини шакллантиришда МДХ ролини мустаҳкамлашга, уни ҳамкорликнинг замон талабларига жавоб берувчи ривожланган ва самарали механизм сифатида қарор топишида кўллаб-қувватлашга тайёр эканликларини билдирдилар.

Маълумки, бугунги кунда иқтисодий омилларнинг халқаро муносабатларни ривожлантиришга таъсирининг сезиларли даражада кучайиш тенденцияси кузатиламоқда. Шу боис ижтимоий-иқтисодий масалаларни комплекс ҳал қилишда МДХнинг иқтисодий ҳамкорлик соҳасидаги салоҳиятидан янада самарали фойдаланиш биринчи навбатдаги вазифа экани таъкидланди.

Халқаро транспорт-коммуникация йўлақларини яратиш, энергетика ва илмий-техникавий ҳамкорликни ривожлантириш, экспорт имкониятларини юксалтириш ва сармоявий фаолиятни рағбатлантириш бу борадаги муносабатларни ривожлантиришдаги энг истиқболли йўналишлардир.

Маданий-гуманитар соҳадаги ҳамкорликни мустаҳкамлаш — МДХни тўлақонли ривожлантиришнинг муҳим вазифаси эканлиги қайд этилди.

Томонлар Ҳамдўстлик фаолияти ва унинг шартномавий-ҳуқуқий асосини халқаро жараёнларни бошқаришида жазо тартибларини ҳисобга олган ҳолда янада такомиллаштириш бўйи-

ча ҳамкорликдаги ишларни давом эттириш мақсада мувофиқ эканлигини таъкидладилар. Ташкилотга аъзо давлатлар ўртасида турли соҳалардаги муносабатларни бундан кейин ҳам ривожлантириш, дўстлик ва ҳамкорликни мустаҳкамлашга қўмақлашиш зарурлигига қатъий ишонч билдирди.

Саммит якунлари бўйича МДХ Давлат раҳбарларининг Ҳар томонлама ҳамкорликни янада ривожлантириш тўғрисидаги декларацияси қабул қилинди. Шунингдек, МДХда 2013 йилни Экологик маданият ва атроф-муҳитни муҳофаза қилиш йили деб эълон қилиш тўғрисида, алоқа ва ахборотлаштириш соҳасидаги ҳамкорлик бўйича илгари эришилган келишувларнинг амалга оширилишининг бориши тўғрисидаги ва бошқа ҳужжатлар имзоланди.

Давлат раҳбарларининг қарорига кўра, МДХ раислиги Беларусь Республикасига ўтди.

МДХ Давлат раҳбарлари кенгашининг навбатдаги мажлисини 2013 йилнинг октябрь ойида Минск шаҳрида ўтказиш тўғрисида қарор қабул қилинди.

Анвар БОБОЕВ,
ЎЗА махсус муҳбир
Тошкент-Ашхобод-Тошкент



МАМЛАКАТИМИЗДА

• Адлия вазирлиги қошидаги Юристлар малакасини ошириш марказида Тошкент Давлат юридик институти билан ҳамкорликда Ўзбекистон Республикаси Конституцияси қабул қилинганининг 20 йиллиги муносабати билан «Асосий Қонуимиз — Ўзбекистон тараққиётининг ҳуқуқий асоси» мавзусида давра суҳбати ўтказилди.

• Навоий вилоятида Ўзбекистон Республикаси Конституцияси қабул қилинганининг йигирма йиллиги муносабати билан кўплаб маданий-маърифий тадбирлар, учрашувлар, давра суҳбатлари ўтказилмоқда. Абдулла Қодирий номидаги вилоят ахборот-кутубхона марказида вилоят адлия, ички ишлар, матбуот ва ахборот бошқармалари, Фуқаролик жамияти шаклланишини мониторинг қилиш мустақил институти ҳамда «Қамолот» ёшлар ижтимоий ҳаракати бўлимлари ҳамкорлигида «Конституция — бахтимиз қомуси» мавзусида ташкил этилган давра суҳбати ёшларнинг Асосий Қонуимизга доир билимларини янада бойитишга бағишланди. Тадбирда вилоят умумтаълим мактаблари, академик лицей ва касб-хунар коллежлари ўқувчилари, устоз-мураббийлар, жамоатчилик вакиллари, оммавий ахборот воситалари ходимлари иштирок этди.

• Нукусда «Оролбўйи экологик шароитида аграр соҳани ривожлантириш истиқболлари» мавзусида илмий-амалий анжуман бўлиб ўтди. Ўзбекистон Республикаси Олий Мажлиси Қонунчилик палатасининг Аграр ва сув хўжалиги масалалари қўмитаси томонидан ташкил этилган мазкур тадбирда депутатлар, кишлоқ ва сув хўжалиги, адлия, иқтисодий вазирликлари, банклар, фермер хўжаликлари раҳбарлари ҳамда аграр соҳа мутахассислари иштирок этди.

• Наманганда «Ёнғинга қарши сув ҳовузларини лойиҳалаш, қуриш ва улاردан фойдаланиш самардорлигини ошириш» мавзусида республика илмий-амалий конференцияси бўлиб ўтди. Тадбирда Ўзбекистон Республикаси Ички ишлар вазирлиги Ёнғин хавфсизлиги бош бошқармаси, барча вилоятлар ёнғин хавфсизлиги хизматларининг раҳбарлари, шунингдек, мазкур соҳага дахлдор корхона, ташкилот ва муассасалар ҳамда оммавий ахборот воситалари вакиллари иштирок этди.

ЖАҲОНДА


• Шимолий денгизда ҳалокатга учраган «Болтик эйс» кемаси экипажининг ўн бир нафар аъзоси бедарак йўқолди. Илгари хабар қилинганидек, «Болтик эйс» экипажи 24 кишидан иборат эди. Ўн уч киши кутқарув қайиқларига ўтиб олишга улгурдилар, у ердан уларни Голландиянинг Соҳил бўйи қўриқлаш вертолётлари эвакуация қилди.

• Эрон шарқида юз берган zilзила оқибатида чоршанба куни кечкурун камидан беш киши ҳаётдан кўз юмди ва қарийб ўнча одам жабрланди. Ер ости силкинишлари магнитудаси 5,5 балли ташкил этди, унинг эпицентри Жанубий Хуросан провинцияси пойтахти Биржендан 110 километр масофада жойлашган. Ҳодиса жойига кутқарувчилар бригадаси йўл олди.

• Олимлар илк бор динозаврларга тегишли бўлиши мумкин бўлган 243 миллион ёшдаги бир неча суяқларни топди. Улар дастлаб 1930 йилда топилган эди ва ўша вақтдан бошлаб Жанубий Африка музейида сақланарди. Палеонтологлар топиб олинган суяқлар ҳақиқий динозаврларга хос бўлган тузилиш элементлардан иборат эканлигига эътибор қаратдилар.

• Швеция пойтахтида Нобел тантаналари ҳафтаси бошланмоқда. Стокгольм 10 декабрь куни пойтахт филармониясида топирилганидан дунёдаги энг машҳур илмий мукофотга тўққиз нафар номзодларни шарафлаш маросимини ўтказди.

• Боливияда йўловчи катер ҳалокатга учради, унинг бортида 20 нафар киши бор эди, улар асосан таълим тадбиридан қайтаётган маҳаллий ўқув юртлари ўқитувчилари эди. Ҳозирга қадар учта одам вафот этгани маълум бўлди, қолган 10 кишининг қаердалиги ноаниқ.



ЎЗБЕКИСТОН RESPUBLIKASI ОЛИЙ МАЖЛИСИ СЕНАТИНИНГ ўнинчи ялпи МАЖЛИСИ Тўғрисида АХБОРОТ

2012 йил 5 декабрь куни Тошкент шаҳрида Ўзбекистон Республикаси Олий Мажлиси Сенатининг ўнинчи ялпи мажлиси очилди. Унда Вазирлар Маҳкамасининг тақлиф этилган аъзолари, вазирлик ва идораларнинг раҳбарлари, бошқа ташкилотлар, оммавий ахборот воситаларининг вакиллари ҳозир бўлдилар. Мажлисни Олий Мажлис Сенатининг Раиси И.Собиров олиб борди.

Сенаторлар ўз ишларини Ўзбекистон Республикаси Президенти томонидан парламент юқори палатасига киритилган «Ўзбекистон Республикаси Конституцияси қабул қилинганининг йигирма йиллиги муносабати билан амнистия тўғрисида»ги масалани кўриб чиқишдан бошладилар. Ушбу масала юзасидан тегишли қарор қабул қилинди.

Масалани кўриб чиқиш вақтида сенаторлар Ўзбекистон Республикаси Конституцияси қабул қилинганининг йигирма йиллиги арафасида амнистия тўғрисидаги ҳужжатнинг қабул қилиниши инсон ҳуқуқлари ва унинг манфаатлари олий кадрият бўлган, олиб борилаётган демократик, ижтимоий-сиёсий ва ижтимоий-иқтисодий ислохотларнинг мазмун-моҳиятини ташкил этган давлатимиз инсонпарварлигининг яна бир ёрқин кўриниши эканлигини қайд этдилар.

Олий Мажлис Сенатининг Қарорига жазога ҳукм қилинган аёлларни, жиноят содир этган вақтда 18 ёшга тўлмаган шахсларни, 60 ёшдан ошган эркакларни, чет давлатларнинг фуқароларини жазодан озод қилиш (назарда тутилган чеклашларни ҳисобга олган ҳолда) назарда тутилган. Шунинг билан бир қаторда Сенат Қарорига яна бир неча тоифадаги шахсларни жазодан озод қилиш назарда тутилган, шунингдек, амнистия тўғрисидаги қарорнинг амал қилиши таъсир этмайдиган шахслар доираси белгиланган.

(Давоми 2-бетда)

Ўзбекистон Республикаси Олий Мажлиси Сенатининг ҚАРОРИ

ЎЗБЕКИСТОН RESPUBLIKASI КОНСТИТУЦИЯСИ ҚАБУЛ ҚИЛИНГАНЛИГИНИНГ ЙИГИРМА йиллиги муносабати билан АМНИСТИЯ Тўғрисида

Ўзбекистон Республикаси Конституцияси қабул қилинганининг йигирма йиллиги муносабати билан Ўзбекистон Республикаси Президентининг тақдимномасига мувофиқ, инсонпарварлик тамойилига амал қилиб, Ўзбекистон Республикаси Конституциясининг 80-моддаси 10-бандига ва 93-моддаси 23-бандига асосан Ўзбекистон Республикаси Олий Мажлисининг Сенати **ҚАРОР ҚИЛАДИ:**

1. Куйидаги маҳкумлар жазодан озод қилинсин (ушбу Қарорнинг 8-бандида кўрсатилган чеклашларни ҳисобга олган ҳолда):

- а) аёллар;
- б) жиноят содир этган вақтда 18 ёшга тўлмаган шахслар;
- в) 60 ёшдан ошган эркаклар;
- г) чет давлат фуқаролари.

2. Эҳтиётсизлик орқасида жиноят содир этган шахслар, шунингдек ижтимоий хавфи катта бўлмаган ёки унча оғир бўлмаган жиноят содир этгани учун биринчи марта ҳукм қилинган шахслар жазодан озод қилинсин.

3. I ва II гуруҳ ногиронлари, шунингдек ушбу Қарор кучга киргунга қадар бир йилдан ошмаган муддат ичида қонунда белгиланган тартибда жазони ўташга тўсқинлик қиладиган оғир касалликка чалинган деб топилган шахслар (жавобгарликни оғирлаштирадиган ҳолатларда қасддан одам ўлдириш жиноятини содир этганлар бундан мустасно) жазодан озод қилинсин.

4. Озодликдан маҳрум қилиш жазосига ҳукм қилиниб, ўталмай қолган жазо муддати икки йил-у олти ойдан кўп бўлмаган, ҳукми ушбу Қарор эълон қилинган кунга қадар қонуний кучга кирган маҳкумлар (жавобгарликни оғирлаштирадиган ҳолатларда қасддан одам ўлдириш жиноятини содир этганлар бундан мустасно) жазодан озод қилинсин.

5. Таъқиқланган ташкилотлар фаолиятида иштироки, улар таркибида тинчлик ва хавфсизликка қарши ёки жамоат хавфсизлигига қарши жиноятлар содир этганлиги учун биринчи марта озодликдан маҳрум қилишга ҳукм этилиб, тузалиш йўлига қатъий ўтган шахслар жазодан озод қилинсин.

6. Ушбу Қарорнинг 1 ва 2-бандларида қайд этилган шахслар томонидан содир этилган жиноятлар тўғрисидаги барча ишлар тугатилсин.

7. Ушбу Қарор асосида озод қилинмайдиган шахсларнинг:

а) қасддан содир этган жинояти учун ўн йилдан кўп бўлмаган муддатга озодликдан маҳрум қилишга ҳукм қилинганларнинг ўталмай қолган жазо муддати — ундан бир қисмига;

б) қасддан содир этган жинояти учун ўн йилдан ортиқ муддатга озодликдан маҳрум қилишга ҳукм қилинганларнинг ўталмай қолган жазо муддати тўртдан бир қисмига қисқартирилсин.

8. Татбиқ этилмасин:

а) ушбу Қарорнинг амал қилиши — узоқ муддатга ёки умрбод озодликдан маҳрум қилишга ҳукм қилинган; ўта хавfli рецидивист деб топилган; жиноий уюшма таркибида жиноят содир этган; жазони ўташ тартибини мунтазам равишда бузаётган шахсларга; шунингдек ўлим жазоси афв этиш тартибида озодликдан маҳрум қилиш тарихисидидаги жазога алмаштирилган шахсларга;

б) ушбу Қарор 1-бандининг амал қилиши — ўта оғир жиноят содир этган шахсларга;

в) ушбу Қарор 1-4, 6, 7-бандларининг амал қилиши — таъқиқланган ташкилотлар фаолиятида иштироки, улар таркибида тинчлик ва хавфсизликка қарши ёки жамоат хавфсизлигига қарши жиноятлар содир этганлиги учун судланган шахсларга;

г) ушбу Қарор 4, 5, 7-бандларининг амал қилиши — муқаддам амнистия бўйича жазодан озод бўлган ва яна қасддан жиноят содир этган шахсларга.

9. Ўзбекистон Республикаси Олий Мажлиси Сенатининг тегишли қўмита ва комиссиялари ушбу Қарорнинг қўлланилиши тартиб-таомилларида жамоатчилик назорати ва очик-ошкоралик амалга оширилишида сенаторлар ва депутатлар корпусининг бевосита иштирокини таъминласин.

10. Ушбу Қарор амалга оширилиши юзасидан масъуллиқ Ўзбекистон Республикаси Вазирлар Маҳкамаси зиммасига юклатилсин.

11. Ушбу Қарор эълон қилинган кундан эътиборан кучга киради ва уч ой мобайнида ихро этилиши лозим.

Ўзбекистон Республикаси Олий Мажлиси Сенатининг Раиси **И.СОБИРОВ**
Тошкент шаҳри,
2012 йил 5 декабрь.

ҚИСҚА САТРЛАРДА

Тошкент шаҳар ҳокимлигининг Ахборот хизмати ва ўз муҳбирларимиз хабарларидан.

✓ **КЕЧА** Ёнғин хавфсизлиги олий техника мактабида «Конституция — мамлакатимиз тараққиётининг ҳуқуқий асоси»

мавзусида семинар бўлиб ўтди.

✓ **КЕЧА** «Қамолот» ёшлар ижтимоий ҳаракати Яққасарой туман бўлими ташаббуси билан Тошкент давлат миллий рақс ва хореография олий мактабида

«Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепцияси» мавзусида давра суҳбати ташкил этилди.

✓ **ЭРТАГА** Тошкент Давлат техника университети ҳузуридagi 5-сонли академик лицейда «Сиз қонунни биласизми?» мавзусида кувноқлар ва зукколар беллашуви ўтказилади.

